

ANY ANKOATRY NY LAMBAN'EFITRY NY FOTOANA

 Tiako ny hilaza eto fa voavalys ny vavakareo, ireo fivoriana tahaka an'izay nanananay fony aho nanomboka voalohany tao amin'ny asam-panompoana, taona maro lasa izay. Izaho tsy nanana mihitsy... Tsy afaka nametraka ny olona akory aza izahay. Ary afaka nahazo an'ireo toeran'ny foara sy ny zavatra hafa rehetra, nisy betsaka tany tamin'ny telo ora, mba hameno an'ilay toerana. Tsy maintsy nanakatona an'ireo vavahady izy ireo, tsy namela azy ireo hiditra. Tsy nijanona tany hatramin'ny fito izahay. Hitanareo? An'arivony mihitsy no nivoaka hatraiza hatraiza. Izao fotsiny...

² Ary naka an'ireo hariva dimy farany aho tamin'ilay fivoriana farany, ary nanorina nanerana ny Teny fotsiny aho, nanomboka nahafantatra hoe hery iray toy ny inona no nananan'ny Teny. Hitanareo? Satria, ny Teny dia Andriamanitra. Hitanareo? "Tamin'ny voalohany ny Teny, ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika."

³ Ankehitriny, hoy ny Hebreo 4 hoe, fa, "Ny Tenin'Andriamanitra dia maranitra noho ny sabatra roa lela." Hitanareo? "Ny Tenin'Andriamanitra dia maranitra noho ny manindrona mihitsy aza hampisaraka ny taolana, sy mandidy, ary mpamantatra ny eritrerity ny fisainana, ny fo." Hitanareo? Izany no, ny Tenin'Andriamanitra.

⁴ Noho izany dia raha misy fanomezam-pahasoavana iray eo amin'izay ahafahantsika manao ny tenantsika hahazo aina; dia ny Teny, Izy tenany, Kristy izany, Izay Teny, no miditra ao anatintsika, ka mamantatra an'ireo eritrerity ny fisainana, araka ny nahitanareo azy. Hitanareo? Mahafinaritra toy ny ahoana. Noho izany, ny mahita an'izay Nataony sy ny fomba Nitahiany antsika! Ary avy eo ny...

⁵ Izany, tsapako izany, nanorina an'izany nanerana an'io Teny io nandritry ny hariva efatra, namela ny olona hipetraka tsara fotsiny, ary avy eo dia naka aina, ka ny Fanahy Masina no niantso ny olona sy nanao an'ireo zavatra tao amin'ny mpanatrika.

⁶ Ary tamin'izay fotoana izay, tamin'ny hariva farany, ny Alahady farany tolakandro, dia nahita ny iray tamin'ireo laharam-panasitranana lehibe indrindra izay hany hitako tetu Amerika aho. Hitanareo? Izy ireo dia... Naniraka an'i Billy nankany niaraka tamin'ny karatra zato aho, ary Gene niaraka tamin'ny zato, ary Leo niaraka tamin'ny zato, ary Roy niaraka

tamin'ny zato, nizara fotsiny an'ireo karatra rehetra, teo amin'ny dimanjato teo. Ary avy eo rehefa avy nahita ny Teny nihazona izy ireo, sy izay nataon'Izany, avy eo dia nijanona tsara teo amin'io Teny io ankehitriny, dia nitondra azy ireo teo amin'ny lampihazo. Ary nahita lehilahy sy vehivavy nanipy ny tehiny aho, sy ny sisa, ary sitrana talohan'ny nahatongavan'izy ireo teo amin'ny lampihazo akory aza, ny mijery fotsiny. Hitanareo? Efa nivoaka ny Tenin'Andriamanitra, nanerana teo, ary nametraka ny Tenany tao anatin'ireo Hafatra dimy ireo, na Hafatra efatra, tao am-pon'izy ireo, hany ka nino an'Izany tamin'ny fony rehetra izy ireo. Tamin'izay fotoana izay, ny zavatra tokana tokony nataon'izy ireo, dia ny nanana karazana fifandraisana kely iray, hitanareo, zavatra iray hafa, ary zava-nisy iray izany. Ary vantany vao tonga teo amin'io lampihazo io izy ireo, dia sitrana teo no ho eo teo amin'ny lamp-... talohan'ny niampitan'izy ireo an'ilay lampihazo mihitsy.

⁷ Mino aho, ny rahalahy eto, ianareo rehetra dia mahafantatra an-dRahalahy Ed, Rahalahy Ed Hooper. Sa tsy izany? Ianareo avy any Arkansas, any? Izy dia nahaona... Niaraka tamiko izy tao amin'ireo ampahany voalohany an'ilay asam-panompoana voalohany. Hoy izy hoe, "Toy ny tamin'ireo fotoana fahiny ity," hoy izy, "tamin'ny fomba nanaovan'izy ireo ahy taloha, taona maro lasa izay."

⁸ Ary nisy ireo olona izay tratry ny fivontosana izay—izay tahaka an'izao, niverina, salama. Jamba, marenina, moana, ireo karazan-javatra rehetra izay nataon'ny Tompontsika. Tsy nikasika an'ireo olona mihitsy akory aza. Ny Teny no nivoaka nanao an'izany.

⁹ Avy eo ny Tompo dia nanome ahy Hafatra iray izay tiako ho resahana ato amin'ny fiangonana, indray andro any, rehefa miverina aho, ka manana anjara iray. Tena tery tanteraka aho. Ankehitriny dia tsy maintsy hiainga indray aho, rahampitso, miandry ny ahatongavan'io zazavavy io. Ary talohan'ny nametrahako ny valiziko tany an-trano mihitsy aza, dia efa nisy olona iray tany. Ary tsy nipetraka aho hatramin'izany, saiky. Hitanareo? Tsy niresaka tamin'ny fianakaviako akory aza aho, hatramin'ny nahatongavako. Hitanareo? Ary izany dia—tena sintona marina tokoa izany. Ary izaho dia tsy maintsy miangavy ny vavakareo rehetra ho ahy, ihany koa, mba hanampian'ny Tompo ahy hihazona.

¹⁰ Ankehitriny... [Elanelana tsy voaraki-peo—Mpand.] Jereo ny rahalahintsika eto, tena, tena marary, mandry eo amin'io fandria-marary io. Ary izahay...

¹¹ Ho tonga ny olona iray, afaka kelikely, ho anay, mba handeha hankany Louisville. Tiako ianareo hahatsiaro ny vavaka, ihany koa, ho an'ny ramatoa tanora mahafinaritra iray, izay, tsy eo amin'ny valo ambin'ny folo taona akory izy.

Kambana izy, ary zazavavy Kristiana iray any am-pianaranara. Ary niresaka mikasika azy ireo zazavavy hafa, fàntatrareo, ireo zazavavy roa, ary niteny tamin'izy ireo hoe ahoana izy ireo, ampaham-piaínana inona no verin'izy ireo, ary ahoana no tokony hiainan'izy ireo tahaka ny sisa amin'ireo zazavavy. Ary ilay zazavavy anankiray dia nahavita tsy niraharaha an'izany fotsiny. Ity anankiray hafa ity dia tratry ny henatra, ary lasa tena narary izy ny amin'izany, ka nanohy niha-lasa fotsiny, sy nihemotra lavidavitra kokoa, ary nanahy mikasika ny amin'izany. Ary farany dia tratry ny fahavoazana aratsaina izy. Ary izy ireo... Ao amin'ny toerana misy ny marary saina izy. Ho avy ny reniny sy ny rainy, afaka kelikely, avy any Crandall, Indiana, mba handeha hankany amin'io toeram-pitsaboana io izay hiezahan'izy ireo handefasana azy, any Madison, rahampiso.

¹² Ankehitriny, ilay-ilay zazavavy, tsy misy fahavoazana arabatana amin'ilay zazavavy. Izy... Tsy misy na inona na inona, ara-batana. Salama tanteraka izy. Fa tena sarotra ny manazava an'ilay izy. Ary tena tsy azo azavaina marina tokoa ilay izy. Ilay izy dia, ny fanahiny no nirenireny. Hitanareo? Ankehitriny, ianareo—tsy maintsby mahazo ny fanahiny ianareo ka hamerina an'izany eo amin'ilay toerana. Hitanareo? Misy...

¹³ Tahaka ny, vao avy niresaka an'izany isika teto, herinandro vitsy lasa izay, teo amin'ny hoe ahoana no iasan'ny toe-batan'olombelona. Ahoana fa misy an'ireo fanamboloana dimy izay idiranareo amin'ny vatana, ary avy eo dia lâlana dimy no niantsoantsika azy. Lâlana dimy, toy ny—ny fieritreretana, fiheverana, sy ny sisa, no idirantsika ao amin'ny aina. Ary avy eo rehefa miditra ao amin'ilay fanahy ianareo, dia lâlana tokana ihany no misy, ary izany dia amin'ny alâlan'ny safidy malalaka, izay mamerina an'izany amin'ny fototra tahaka ny tamin'ny namoronana ny olona.

¹⁴ Afaka mandray an'Izany ianareo, na afaka mamela an'Izany handeha fotsiny. Afaka manaiky an'i Kristy ho Mpamony ianareo, na hamela Azy handeha fotsiny. Fa mbola eo akaikin'io Hazo io foana ianareo, io anankiray an'ny Fiaínana sy anankiray an'ny fahafatesana io. Ny olombelona rehetra dia napetraka teo anatrehan'io Hazo io, fa raha tsy izany dia ho tsy marina Andriamanitra raha nametraka an'ilay anankiray teo, nefo avy eo dia tsy hanome an'ilay anjara mitovy ho an'ilay iray hafa mba—mba hisafidy ny tsara na ny ratsy. Ary ny tsirairay avy amintsika dia manana an'io fanararaotra io.

¹⁵ Izao koa, ao amin'io, ilay fanahy, dia afaka ny ho sitrana isika, na tsy afaka ny ho sitrana. Ankehitriny, ilay izy dia tsy hoe satria tsy misy...hoe tsy sitrana isika araka an'Andriamanitra. Sitrana isika. Satria tsy misy fepetra ilay fanekena. Ary efa nividys ny fahasitranantsika Izzy. Noho izany, ny fahasitranantsika dia—dia ho antsika. Antsika izany.

Ankehitriny, ilay izy dia na isika handray an'ity lèlana ity, mba hino an'izany; na *ity* lèlana ity, mba tsy hino an'izany fotsiny. Ankehitriny, lèlana tokana ihany no ahafahantsika miditra ao amin'ny Fanatrehan'Andriamanitra.

¹⁶ Ankehitriny, ity ankizy ity, tsara tarehy, ny reniny dia zazavavy sakaiza iray. Izaho, ny... Oh, iray tamin'ireo zazavavy sakaizako fahiny. Ramatoa tanora tsara tarehy iray izy, nivoaka avy tao amin'ny fianakaviana Nazareana tena sarotiny iray, zazavavy kely tsara fanahy iray. Ary manana vady iray maha-teho tia izy. Izaho dia mahafantatra azy, ihany koa, tena tsara, ilay zazalahy izay nanambady azy. Ary izy fotsiny dia kely iray... Nitaiza an'ireo ankizy mba hanompo ny Tompo izy ireo, ary nametraka azy ireo tany an-tsekoly. Ary tena nifikitra tao amin'i Kristy marina tokoa izy ireo, tsy hanao an'ireo zavatra izay ratsy. Fa tonga teo izany.

¹⁷ Fahavoazana iray fotsiny, tahaka ahy fotsiny... njery fotsiny aho fotoana vitsy lasa izay, ary nibanjina zazalahy kely iray teny aoriana, izay nanana an'ilay zavatra iray ihany, marina tokoa. Ary tao amin'ny... Nandeha tany izahay indray hariva, tany amin-dry Rahalahy Wright, ary Orville fotsiny dia—tao anatin'ny fahavoazana tanteraka iray fotsiny. Ary izy, fantatrateo, rehefa niezaka ny handroaka ahy hivoaka ny trano izy; nefà mpisakaiza tsara tahaka ahy sy Orville, tena toy ny hoe rainy mihitsy aho. Izaho no nanao ny fanambadian'ny rainy sy ny reniny, niaraka. Fa nitroatra fotsiny izy ary nihiaikiaka hoe, "Mivoaha miala eto! Mivoaha miala eto! Mivoaha miala eto!" Hitanareo?

¹⁸ Ankehitriny, ny tsy maintsy nataonay tany dia ny niditra tao amin'ny laharan'ilay fanahy ka nahazo ny fanahin'io zazalahy io. Hitanareo? Alahelo betsaka no tonga tao amin'ny fo keliny. Tanora izy, ary efa nahita betsaka. Ary namerina azy avy hatrany fotsiny teo amin'ny toerana tokony hisy azy. Hitanareo? Afaka andro vitsivitsy, izy dia—tena tsara izy.

¹⁹ Ankehitriny, izany ilay zavatra iray ihany izay tokony hataonareo amin'io. Efa nahita an'izany aho, ka fantattro fa marina izany. Saingy ankehitriny, izao fotsiny... Izaho—mangataka anareo rehetra aho mba hivavaka ankehitriny, mba—mba hanampian'Andriamanitra ahy hahita an'io zazavavy kely io. Ao amin'ny toerana iray, izay tsy fantany hoe aiza no misy azy, avy eo dia hamerina azy eo amin'ny toerany. Io lèlana io dia tonga amin'ny alàlan'ny finoana. Hitanareo, tsy afaka manana finoana amin'ny tenany izy. Tsy fantany hoe aiza no misy azy, na inona na inona. Hitanareo? Izany—izany dia tsy maintsy mila ny finoanay eto.

²⁰ Ary ankehitriny, ao amin'izany, io herin'ny fitsanganan'i Kristy io, izay Nanomezany antsika ny fanararaotra. Eo, ianareo, ao amin'ny fomba iray, no anindronan'ny Tenin'Andriamanitra

an'ilay mpanota. Ary tsy maintsy any ankoatry ny fitoriana ny Teny izay mivoaka Izany. Izany no antony nitiavako niresaka kely izao maraina izao alohan'ny hivavahana ho an'ny marary. [Elanelana tsy voaraki-peo—Mpand.]

²¹ Tsaroanareo ve ilay fahitana, vao tsy ela akory izay, izay nomen'ny Tompo ahy, fantatrareo, mikasika ny nahitana an'ilay Ilany hafa? Tsaroanareo ve ilay maraina izay nijoroako vavolombelona mikasika ny nahitana an'ilay Ilany hafa? [Hoy ny fiangonana hoe, "Amena."—Mpand.] Eny, marina izany.

²² Ary ny Full Gospel Business Men's *Voice* no namoaka an'ilay lahatsoratra, ka nametraka ny sary ato an-damosin'ilay pejy eto. Ary misy fampidirana kely eto amin'ny farany ambany eto, ampahany kely eto ambany eto, miresaka ny amin'ny asampanempoana. Fa, gazety iraisam-pirenena iray natonta tamin'ny fiteny maro samihafa ity. Ary natokan'izy ireo ny pejy eto aloha, sy ny voalohany, ho an'io fahitana io. Hitanareo?

²³ Ary manana azy ireo aho eto, ka maniry aho ny hakanareo anankiray, dia afaka hamaky an'izany ianareo. Ary mitsangana... Tsy fantatro hoe firy no ho eto, ireo rahalahy, izao maraina izao. Fa ianareo, amin'izay fotoana izay, raha sendra tsy nahazo anankiray ianareo, eny, dia mandehana fotsiny mankao amin'ny birao. Manana azy ireo izy ireo ao amin'ny birao. Ary namela anay hahazo vondrona iray amin'izy ireny izy ireo, mikasika ny hoe: "Manohiza mandroso." Hitanareo? Ary izay ihany no ato anatin'ny foko. Ny rehetra izay azoko henoina, dia, "Manohiza mandroso." Any ankoatr'ilay-ilay renirano mihitsy dia misy ny—ny Tany iray tsaratsara kokoa. Ary ndao isika hanohy handroso mandra-pihaonantsika amin'io Tany io.

²⁴ Ankehitriny, heveriko fa manana fanolorana iray izy ireo eto an'ny zazakelin-dRahalahy Stricker sy Ranabavy Stricker. Koa izany...

²⁵ Eo amin'ny firy izany ankehitriny, Ranabavy Stricker? [Hoy Ranabavy Stricker hoe, "Enina."—Mpand.] Ankizy kely enina. Fianakaviana kely maha-te-ho tia izany.

²⁶ Ary noho izany izy ireo dia... misionerantsika tany—tany Afrika tany, vao haingana, mba hiverina. Ary ny zanak'izy ireo rehetra dia ankizy kely tsara tarehy. Ary afaka mahita aho fa ity anankiray ity dia izany, ihany koa, raha mitondra azy izy ireo izao maraina izao ho an'ny fotoam-panolorana.

²⁷ Aiza i Teddy? Teddy, hiakatra eto amin'ny piano ve ianao, iray minitra fotsiny, anaka? Ary—ary ndao isika hanao ny hirantsika, hira kely iray, fantatrareo, ilay hira kely, mino aho, izay hirantsika hoe, *Ento Izzy Ireo*. Marina ve izany? "Ento hiala amin'ireo sahan'ota izy ireo."

²⁸ Ary izany no antony hitendrentsika an'io, satria isika, miaraka amin'izay rehetra vitantsika, raiamandreny, dia mitondra azy ireny ho an'ny fanolorana. Manolotra azy ireny

ho an'ny Tompo isika ary mitondra azy ireny raha mbola zazakely izy ireo, mba tsy hahavery lèlana azy ireo ao amin'io sahan'ota io. *Ento Izy Ireo.* Ndao fotsiny isika...Hainao ve izany, Teddy? Ndao fotsiny isika hihira andalana anankiray amin'izany ankehitriny.

Ento izy ireo, ento izy ireo,
Ento hiala amin'ireo sahan'ota izy ireo;
Ento izy ireo...

Raha misy anankiray hafa, nahoana, dia ento avy hatrany fotsiny izany.

Ento eo amin'i Jesosy ireo madinika kely.
Ento izy ireo, ento izy ireo,
Ento hiala amin'ireo sahan'ota izy ireo;
Ento izy ireo, ento izy ireo,
Ento eo amin'i Jesosy ireo mpirenireny.

²⁹ Rahalahy Stricker sy Ranabavy Stricker, fantattro fa fantatrareo ny dikan'izany hira izany, ny "mitondra azy ireo," ny faniriana miredareda dia ao am-ponareo, hiezaka hitondra an'ilay very eo amin'i Jesosy. Ny zaza kelinareo, raha ho faty alohan'ny nanolorana azy izy, na inona koa, dia voavonjy izy, na ahoana na ahoana, satria ny Ràn'i Jesosy Kristy no nanao an'izany teo Kalvary. Fa ho fahatsiarovana ny Diany lehibe teto an-tany, rehefa nametraka ny Tànany teo amin'ireo ankizy kely Izy ka nanao hoe, "Avelao izy ireo hanatona Ahy," dia izany no antony itondranareo an'ilay zazakely izao maraina izao. Ary mametraka ny fahatokiana eo aminay, mba ahafahanay hivavaka ny vavaky ny finoana iray, ho an'ilay ankizy kely, ho fanolorana ny fiainany ho an'Andriamanitra.

³⁰ Iza no anarany? [Hoy ilay ray hoe, "Marilyn Madge Stricker."—Mpand.] Marilyn Madge, Marilyn Madge Stricker. Firy taona izy? [Hoy ilay reny hoe, "Telo ambin'ny folo volana."] Telo ambin'ny folo volana. Teraka tany Afrika, marina ve izany? ["Eny."] Eny, enga anie, raha misy ampitso iray, dia enga anie ity ankizy kely ity ho misionera iray any, ao amin'ireo saha izay nahaterahany. Ary a—ankizy kely tsara tarehy iray. Ho avy ve ianao, Rahalahy Neville?

³¹ Ary, Marilyn. Oh, oadray! Tiako foana ireto zaza kely ireto. Tsy zaza kely tsara tarehy ve ity? Manao ahoana ianao? Manao ahoana ianao? Ndao isika hanondrika ny lohantsika. Ary tiako ianareo raha hametraka ny tânanaareo eo aminy.

³² Rainay any An-danitra, mitondra eo Aminao an'i Marilyn Madge Stricker kely izahay, ity ankizy kely maha-te-ho tia ity izay teraka tany amin'ny saham-pitoriana, rehefa sarotra ilay ady. Mivavaka aho mba Hitahianao an'ity ankizy kely ity. Ao amin'ny Baiboly, dia nentin'izy ireo teo Aminao ireo ankizy kely tahaka an'izao. Nametraka ny Tànanaao Ianao ka nitso-drano azy

ireo, nanao hoe, "Avelao ny ankizy kely hanatona Ahy, ary aza raràna izy ireo; fa an'ny toa azy ny Fanjakan'ny Lanitra."

³³ Mametraka azy eo an-tsandrinay ny reny sy ny ray, androany. Izahay, amin'ny finoana, dia mihanika an'ireo tohatra, any, mametraka azy eo an-tSandrinao, amin'ny finoana. Tahio ny fiaianany. Omeo fiaianana lava izy, Tompo. Enga anie izy ho zanak'Andriamanitra iray. Enga anie izy hanompo Anao amin'ny fiaianany rehetra, ny hozatra tsirairay an'ny vatany, ho mpanompo iray an'i Kristy. Ekeo izany, Ray. Tahio ny rainy sy ny reniny, ireo anadahy sy rahavavy keliny. Enga anie izy ireo hitombo, ihany koa, ka ho fianakaviana iray be voninahitra ho an'ny asan'Andriamanitra.

³⁴ Ray, atolotray Anao i Marilyn Madge kely, amin'ny Anaran'i Jesosy Kristy, ho an'ny fiainan'ny asa. Tahio izy, sy ny rainy, sy ny reniny, ary ireo malalany. Ary enga anie izy ireo ho ela velona, fiainan-tsambatra ao amin'ny Asanao. Amin'ny Anaran'i Jesosy. Amena.

³⁵ Andriamanitra hitahy anao, Rahalahy Stricker. Andriamanitra hitahy anao. Ireo fitahiana ho eo amin'ny ramatoa kely iray tsara tarehy.

Misaotra anao, Teddy, ry zazalahy.

³⁶ Tiako ireo ankizy kely. Ary ianareo? [Mamaly ny fiangonana hoe, "Amena."—Mpand.]

³⁷ Firy no mbola tsy nandre mihitsy an'ilay fahitana izay nomen'ny Tompo ahy? Aoka ho hita ny tènanareo mitsangana, izay tsy mbola mihitsy. Rahalahy Neville, manana ny boky kelinao ianao eo, angamba, angamba hamaky fotsiny an'izany ho azy ireo eto mihitsy ianao, mandritry ny fotoana iray fotsiny na roa. Mino aho fa izany... Eto fotsiny mihitsy, raha sitrakao.

³⁸ [Miala amin'ny polipitra Rahalahy Branham. Andalana 39-56, mamaky avy amin'ny lahatsoratr'i Rev. William Branham misy lohateny hoe *Any Ankoatry Ny Lamban'efitry Ny Fotoana* i Rahalahy Neville, navoakan'ny Full Gospel Business Men's Fellowship International voalohany, pejy 3-5 tamin'ny Febroary 1961 avy tao amin'ny Full Gospel Men's Voice—Mpand.]

³⁹ Indray maraina dia nandry teo amin'ny fandriako aho. Vao avy nifoha tamin'ny torimaso aho, ary nametraka ny tènako taorian'ny lohako ary naka aina niaraka tamin'ny lohako teo amin'ny ondana. Tamin'izay fotoana izay dia nanomboka nanontany aho hoe ho tahaka ny inona ny any amin'ilay ilany hafa. Fantatro fa efə niaina mihoatra ny antsasaky ny fiaianako aho raha velona mba ho antitra tahaka an'ireo havako, ary te-hanao mihoatra ho an'ny Tompo aho alohan'ny handaozako an'ity fiaianana ity.

⁴⁰ Nandre Feo iray aho nanao hoe: "Vao manomboka mihitsy ianao! Mandrosoa amin'ilay ady! Manohiza mandroso!" Raha

nandry teo aho nisaintsaina an'ireo teny ireo, dia nihevitra aho fa naminavina fotsiny hoe nandre Feo iray aho. Nilaza indray ilay Feo hoe: "Mandrosoa amin'ilay ady! Manohiza mandeha! Manohiza mandeha!" Mbola tsy nino foana, nihevitra aho fa mety ny tenako ihany no niteny an'ireo teny ireo. Napetrako teo anelanelan'ny nifiko ny molotro ary nohazoniko teo amin'ny vavako ny tànako dia nihaino. Niteny indray ilay Feo: "Manohiza mandroso fotsiny! Raha fantatrao fotsiny mantsy hoe inona no ao amin'ny faran'ilay lâlana!" Toy ny nandre ny mozika sy tonon'ny tranainy iray aho, hira mahazatra:

"Manina sy malahelo aho, ka te-hahita an'i Jesosy,
Tiako ny handre an'ireo lakolosin'ny seranana
haneno.
Hanazava ny lâlako sy hampitsoaka ny tahotra
rehetra izany.
Tompo, avelao aho hijery ny any ankoatry ny
lamban'efitry ny fotoana!"

⁴¹ Tamin'izay fotoana izay dia nanontany ilay Feo hoe: "Tianao ve ny hahita fotsiny ny any ankoatry ny lamban'efitra?" Namaly aho hoe: "Hanampy ahy betsaka tokoa izany!"

⁴² Tsy afaka milaza an'izay nitranga aho. Na tao amin'ny vatana aho na tany ivelany, na famindrana iray ilay izy, tsy fantatro, saingy tsy nitovy tamin'ny fahitana rehetra izay nananako hatramin'izay ilay izy. Afaka nahita an'ilay toerana izay nitondrana ahy aho ary afaka nahita ny tenako nandry teo ambonin'ny fandriako. Hoy aho hoe: "Zavatra iray hafahafa ity!"

⁴³ Nisy vahoaka maro an'isa tany ary nihazakazaka mba hiarahaba ahy izy ireo, niantsoantso hoe: "Oh, rahalahinay sarobidy!" Voalohany dia ireo vehivavy tanora no tonga, tao amin'ny faha-roapolo taonany no fahitana azy, ary raha nanoroka ahy izy ireo dia nanao hoe: "Ranadahinay sarobidy!" Ireo lehilahy tanora, tao amin'ny famirapiratan'ny maha-lehilahy tanora, niaraka tamin'ny maso namirapiratra tahaka ny kintana ao amin'ny alina maizina iray, niaraka tamin'ireo nify fotsy tahaka ny perla, dia nanoroka ahy, nanao hoe, "Rahalahinay sarobidy."

⁴⁴ Avy eo dia nahamarika aho fa izaho, ihany koa, dia lasa tanora indray. Nijery ny tenako teo aho ary nitodika ka njery indray ny vatako antitra nandry teo ambonin'ilay fandriana niaraka tamin'ny tànako taorian'ny lohako. Hoy aho hoe: "Tsy azoko ity!"

⁴⁵ Raha nanomboka niezaka ny hahazo an'ilay toerana izay nisy ahy aho, dia nanomboka nahafantatra fa tsy nisy omaly teo ary tsy nisy ampitso teo. Tsy nisy anankiray toy ny hoe vizaka. Raha nanipy ny sandrinny teo amiko ny vehivavy tanora tsara tarehy indrindra marobe izay hany hitako, dia hitako fa

fitiavana lehibe iray fotsiny ihany no nanodidina ahy ary tsy nisy fanintonana ara-batana tahaka ny ao amin'ny fitondran-tenan'olombelona. Nahamarika aho fa ireo vehivavy tanora rehetra ireo dia nanana ny volony nidina hatreny amin'ny valahany ary ny zipony dia nidina hatrany amin'ny tongony.

⁴⁶ Taorian'io, Hope, ny vadiko voalohany, dia namihina ahy, ka nanao hoe: "Ranadahiko sarobidy!" Avy eo dia namihina ahy ny vehivavy tanora iray hafa ary nitodika i Hope ka namihina an'ilay vehivavy tanora iray hafa. Hoy aho hoe: "Tsy azoko ity. Ity dia zavatra iray tena hafa tanteraka amin'ny fitiavanay olombelona. Tsy te-hiverina amin'io vatana antitra eo ambonin'ny fandriana eo io aho."

⁴⁷ Tamin'izay fotoana izay dia niteny tamiko ny Feo iray hoe: "Izao no notorianao hoe ny Fanahy Masina! Izao no fitiavana tanteraka. Tsy misy na inona na inona afaka hiditra Eto raha tsy manana an'izay!"

⁴⁸ Manaraka dia nentina aho ary napetraka teo amin'ny toerana avo iray. Ny manodidina ahy rehetra dia lehilahy sy vehivavy marobe ao amin'ny fivelaran'ny hatanorana. Niantsoantso izy ireo, tamin'ny fifaliana hoe: "Oh, rahalahinay sarobidy, tena faly izahay mahita anao eto!" Nieritreritra aho hoe: "Tsy manonofy aho, satria afaka mahita an'ireto olona ireto aho ary afaka mahita ny vatako mandry eo ambonin'io fandriana eo io."

⁴⁹ Niteny tamiko ilay Feo hoe: "Fantatrao fa voasoratra ao amin'ny Baiboly fa ireo mpaminany dia angonina miaraka amin'ny olony." Hoy aho hoe: "Eny tsaroako izany ao amin'ny Soratra, saingy tsy misy Branham betsaka ohatran'io." Namaly ilay Feo hoe: "Tsy Branham ireo. Ireo anao niova fo ireo, ireo izay notarihanao teo amin'ny Tompo. Ny sasany amin'ireo vehivavy izay neverinao fa tena tanora sy tsara tarehy ireo dia mihoatra ny sivifolo taona fony ianao nitarika azy ireo teo amin'ny Tompo. Tsy mahagaga raha miantsoantso izy ireo hoe, 'Ranadahy malalakol!'" Tamin'izay fotoana izay dia niaraka niantsoantso ireo vahoaka betsaka hoe: "Raha tsy tonga niaraka tamin'ny Filazantsara ianao, dia tsy ho teto izahay!"

⁵⁰ Nanontany aho hoe: "Oh, aiza Jesosy? Te-hahita Azy aho!" Namaly ireo vahoaka hoe: "Ao ambonimby kely fotsiny Izy. Indray andro any dia hanatona anao Izy. Nirahina ho mpitarika iray ianao, ary rehefa tonga Andriamanitra, dia hitsara anao araka ny fampianaranao Izy." Nanontany aho hoe: "Tsy maintsy hitsangana ao amin'io fitsarana io koa ve i Paoly sy Petera?" Ny valiny dia hoe: "Eny!" Hoy aho hoe, "Nitory an'izay notorian'izy ireo aho. Tsy nivily niala tamin'Izany nankany amin'ny lafiny iray aho na ilay hafa. Teo amin'izay nanaovan'izy ireo batisa tamin'ny Anaran'i Jesosy, no nanaovako ihany koa; teo amin'izay nampianaran'izy ireo

ny Batisan'ny Fanahy Masina, no nampianarako ihany koa. Na inona na inona nampianarin'izy ireo, dia nampianariko, ihany koa."

⁵¹ "Fantatray izany," niantsoantso ireo olona, "ary fantatray fa hiverina eny amin'ny tany miaraka aminao izahay indray andro any. Ho avy Jesosy ka hitsara anao araka ny Teny izay notorianao taminay. Avy eo dia ianao no hanolotra anay Aminy, ary hiverina eny amin'ny tany isika rehetra miaraka mba hiaina mandrakizay." Nanontany aho hoe: "Tsy maintsy hiverina eny amin'ny tany ve aho, ankehitriny?" Namaly izy ireo hoe: "Eny, saingy manohiza mandroso!"

⁵² Rehefa nanomboka niala tamin'io toerana tsara tarehy, feno fifaliana io aho, lavitra arak'izay azon'ny masoko nojerena, dia tonga nanatona ahy ireo olona mba hanoroka ahy, niantsoantso hoe: "Rahalahiko sarobidy!"

⁵³ Tampoka teo dia tafaverina teo amin'ny fandriana indray aho. Hoy aho hoe: "Oh, Andriamanitra, ampio aho! Aza avela hanao marimaritra iraisana amin'ny Teny mihitsy aho. Avelao aho hipetraka mahitsy eo amin'ny Teny. Tsy ahoako izay ataon'ny olon-kafa, Tompo, avelao aho handroso eo amin'io toerana tsara tarehy, feno fifaliana io!"

⁵⁴ Resy lahatra mihoatra noho ny hatramin'izay aho eo amin'ny fiainako fa hila fitiavana tanteraka ny miditra ao amin'io toerana io. Tsy nisy fialonana tany, tsy nisy havizanana, tsy nisy aretina, tsy nisy fahanterana, tsy nisy fahafatesana. Hatsaran-tarehy sy fifaliana faratampony fotsiny.

⁵⁵ Na inona na inona ataonareo, dia esory ny zavatra hafa rehetra mandra-pahazoanareo ny fitiavana tanteraka! Tongava eo amin'izay ahafahanareo mitia ny olona rehetra, na dia ny fahavalao rehetra aza. Tsy mampaninona na mihilangilana aza ny fiaramanidina, mitselatra ny tselatratra, na eo aminareo ny basin'ny fahavalao, tsy mampaninona ireo zavatra ireo: manàna fitiavana tanteraka!

⁵⁶ Raha tsy voavonjy ianareo, dia maneke an'i Jesosy Kristy ho Mpamponjinareo ankehitriny! Raha tsy mbola vita batisa tamin'ny rano ianareo, dia aoka hatao batisa ankehitriny! Raha tsy nandray ny Batisan'ny Fanahy Masina ianareo, dia raiso izany ankehitriny! Mandrosoa mankeo amin'io fitiavana tanteraka io izay hitondra anareo eo amin'io toerana tsara tarehy sy feno fifaliana any ankoatry ny lamban'efitry ny fotoana io!

[Miverina eo amin'ny polipitra Rahalahy Branham—Mpand.] Izany no . . .

⁵⁷ Nihevitra aho fa ny sasany taminareo angamba no afaka namaky an'izany. Ary raha tsy manana an'ilay boky kely ianareo, nahoana, dia afaka mahazo azy ianareo.

⁵⁸ Noho izany eo amin'ny...eo ambanin'ilay pejy mihitsy, dia nanao fampidirana kely iray izy mikasika an'ilay asam-panompoana eo. Tsy fantatro na nahamarika an'izany ianareo, na tsia, eo ambany mihitsy, rehefa avy mamaky azy ianareo. Eo ambany mihitsy, fampidirana kely iray eo ambany.

⁵⁹ [Mitodika amin'ny fanambarana nataon-dRahalahy Thomas R. Nickel i Rahalahy Branham, ilay Mpanoratry ny Full Gospel Men's Voice, izay nampiditra teo amin'ny pejy voalohany ny lahatsoratr'i Rev. Branham. "Mikasika ny sary eo amin'ny fonony eo aloha. Tamin'ny Andron'ny Baiboly, dia nisy ireo lehilahin'Andriamanitra izay Mpaminany sy Mpahita. Fa ao amin'ny Firaiketana Masina rehetra, dia tsy nisy iray tamin'ireo mba nanana asam-panompoana lehibe noho ny an'i William Branham, Mpaminany sy Mpahita an'Andriamanitra, ny sariny dia miseho eo amin'ny fonony eo aloha an'ity gazetin'ny Full Gospel Men's Voice ity. Branham dia efa nampiasan'Andriamanitra, tamin'ny Anaran'i Jesosy, hanangana ny maty!"—Mpand.]

[Elanelana tsy voaraki-peo—Mpand.]

⁶⁰ Ankehitriny, izany dia saiky vita tamin'ny fiteny rehetra eto ambanin'ny lanitra, hitanareo, mba—mba ho voavaky manerana an'izao tontolo izao.

⁶¹ Ankehitriny, "Inona—inona...Eny," hoy ianareo hoe, "inona no nilazanao an'izany, Rahalahy Branham, alohan'ny hivavahanao ho an'ny marary?"

⁶² Izany dia noho ity: mba ahafantarantsika fa tsy foana ireo fiezahantsika. Hitanareo? Tsy maintsy manatona an'Andriamanitra amin'ny alàlan'io fantson'ny fitiavana sy finoana io isika. Ny finoana no mitondra antsika mankao amin'io fantsona io. Ny fitiavana dia ilay anankiray izay mampiditra antsika.

Mamelà ahy. [Elanelana tsy voaraki-peo—Mpand.]

⁶³ Ankehitriny, mihevitra ianareo fa Andriamanitra dia.... Ankehitriny dia ndao isika...Ankehitriny, tonga eo amin'ny toerana iray ny finoanareo ankehitriny, mihevitra ve ianareo fa...Inona no neverinareo ankehitriny raha ireo ezaka rehetra izay ny...napetrak'ity tabernakla sy ity vondron'olona eto ity, ho an'ny Fanjakan'Andriamanitra? Misy maro eto izay manolotra ny zanakareo, ho an'ny Fanjakan'Andriamanitra. Misy maro eto izay mandeha tsy manana akanjo, ho an'ny Fanjakan'Andriamanitra. Misy maro izay mamily fiara manerana an'ireo oram-baratra, ary mandeha tsy misy kiraro eo amin'ny tongony, mba ho tonga eto amin'ny tabernakla eto, marina izany, ho an'ny Fanjakan'Andriamanitra.

⁶⁴ Azonareo eritreretina ve ny artista iray mandoko sary lehibe iray, tsara tarehy, hany ka tena faratampony, nefo avy eo dia handrovitra an'izany fotsiny? Hisy zavatra tsy mety

amin'ilay artista. Azonareo eritreretina ve ny mpamoron-kira iray manoratra hira iray hany ka tena faratampony, nefo avy eo dia handrovitra fotsiny ny—ny mozikany? Hisy zavatra tsy mety amin'ilay mpamoron-kira. Hitanareo? Tsy misy na inona na inona tsy mety amin'Andriamanitra. Andriamanitra tsy manao zavatra tahaka an'izany, handrovitra fotsiny an'izany ary hanipy an'izany. Izany dia ho an'Ny Fanjakany. Izany dia ho an'Ny Voninahiny.

⁶⁵ Ny tsirairay avy amintsika dia milalao ampahany iray ao amin'io sary io sy ao amin'io hira io. Ampahan'ny Fanjakan'Andriamanitra isika. Ary izany dia, mba ahafahantsika milalao ny anjarantsika, raha mbola fantatsika foana izay misy antsika ara-toerana, mikambana amin'ity toerana ity, ka noho izany dia mijanôna tsara eo amin'io toerana io. Ary ny toerana iray izay fantatsika, dia ao amin'ny fitiavana izany, satria izany no mamokatra an'ilay sary.

⁶⁶ Ankehitriny, sarotra rehefa mahita an'ireo fahitana tahaka an'io ianareo, sy ny sisa, ny hahazo hoe inona no—inona no eny amin'ilay Ilany hafa. Maniry aho ny hahafantatra. Nanao an'io fampidirana kely eo io ilay lehilahy, mba hilaza fa ireo mpaminanin'Andriamanitra fahiny, ahoana fa nahita fahitana izy ireo, sy ny sisa, ary ahoana fa, amin'izao andro izao, any ankoatran'izay mihitsy aza... Tsy afaka mahazo an'izany isika, saingy ny Tompo no namela antsika handroso ao amin'io sy hahita hoe inona izany.

⁶⁷ Ankehitriny, ry sakaiza, tsy natory aho. Ary izaho, eo amiko sy ianareo mihitsy, ary ity fiangonana eto ity, tsy tao anatin'ny fahitana aho. Fantatro hoe inona ny fahitana iray. Ny sasany teto, vao tamin'ny herinandro lasa mihitsy, ny sasany, dia nisy teo amin'ny in-telopolo, tamin'ny alina iray, no nitrangan'izany. Azonareo eritreretina ny vesatra izay eo aminareo. Manao anareo hikorontan-tsaina, mazava ho azy.

⁶⁸ Ahoana moa raha nandeha tany amin'ny fivoriana iray tahaka an'ity ianareo, ary ilay andraikitra fotsiny, raha nandeha tsara ilay fivoriana na tsia, no eo aminareo, izao fotsiny—ilay andraikitra fotsiny? Tsy maintsy hamaly ny mpitoriteny tsirairay ianareo, ny fanontaniana tsirairay, ny zavatra rehetra tsirairay. Na mandeha tsara ilay fivoriana na tsia, dia izany no mametraka fotsiny an'ilay andraikitra eo aminareo, irery. Jereo hoe inona no hataon'izany aminareo.

⁶⁹ Ary misy ny sasany amin'ireo mpiara-miasa amiko, mivarotra boky fotsiny ihany, sy ny sisa, izay lasa tena mikorontan-tsaina, ka tsy maintsy nandeha nody izy ireo, hitanareo, natory, tsy tonga tany am-piangonana tamin'io hariva io. Oadray! Oh, mahatsiravina fotsiny ilay izy. Tahaka ny vinantovaviko, zazavavy Kristiana kely maha-te-ho tia, Loyce. Izao fotsiny—amin'ny fandehanana ao amin'ny fivoriana

fotsiny, tena fotsiny... Nandritry ny valo herinandro, na fito herinandro, tsy ankitsahatra tahaka an'izany, dia tsy maintsy natory teo am-pandriana mihitsy izy nandritry ny andro iray na roa, hitanareo, nefo tsy nanana andraikitra. Hitanareo? Billy, ny mizara karatra fangataham-bavaka vitsy fotsiny, dia torotoro ho potika mihitsy.

⁷⁰ Fa, hitanareo, ilay vesatra manontolo dia mipetraka eo amiko. Tsy maintsy miankina aminareo aho mba hivavaka ho ahy. Hitanareo? Ankoatr'izany, izy ireo dia milaza fa-fa ireo roapolo minitra an'ny—an'ny fitorian-teny, eo ambanin'ny tsindrimandry, dia ampitahaina amin'ny asa mafy adiny valo, ho an'ny vatanareo. Izaho dia mitory manomboka amin'ny roa ka hatramin'ny ora telo ny hariva iray; indraindray dia intelo isan'andro. Hitanareo?

⁷¹ Ary noho izany dia ahoana ny amin'ny fahitana anankiray? Fahitana anankiray dia nanao an'i Jesosy Tompontsika ho lasa nalemy. Marina izany. Nilaza ny Baiboly fa vehivavy iray no nikasika ny Akanjony, ka nanao Azy ho lasa nalemy. Eny, raha fahitana anankiray no hanao Azy ho malemy, Izzy, ilay Zanak'Andriamanitra; dia ahoana ny amiko, mpanota iray voavonjy nohon'ny fahasoavana, inona no hataon'ireo telopolo amin'izy ireo ao anatin'ny alina anankiray? Hitanareo? Izany dia... Raha hijanona fotsiny isika ka hieritreritra, dia any ankoatry ny olombelona iray izany. Tsy afaka hahatanty an'izany ny vatan'olombelona iray. Ho any amin'ny toeram-pitsaboana ny marary saina any ho any aho, hanakapoka ny lohako amin'ny rindrina. Hitanareo? Izany dia—izany dia karazana fahalemena iray izay tsy azonareo... Izany dia ilay fahalemena anaty, hitanareo, izay mamono anareo tanteraka mihitsy.

⁷² Ankehitriny, fa inona no hitambesaranareo amin'izay fotoana izay? Mety hilaza an'izao aho. Mahita an-dRahalahy sy Ranabavy Cox aho, eo, Rodney sy ny vadiny, ary anabavy ery aoriana ery, vao niova fo. Misy Tany iray, any lavitra any ho any fotsiny, ka raha mba afaka ny hieritreritra ao amin'ny sainareo fotsiny ianareo ka banana fahitana an'Izany, dia Izany no zavatra be voninahitra indrindra. Izany dia mendrika ny ezaka rehetra izay apetrantsika. Hitanareo?

Ankehitriny, alohan'ny hivavahana ho an'ny marary, dia mety hilaza an'izao aho.

⁷³ Ahoana moa raha ny zaza kely iray, talohan'ny ahaterahany... Ndao raisintsika izany. Zaza kely iray izay niaina tao an-kibon'ilay reny, nandritr'ireo sivy volana ireo, nefo afaka nieritreritra io zaza kely io? Hilaza izy hoe, "Mba fantatralo moa? Izzy ireo dia miteny amiko fa natao hateraka aho. Eny, inona no hataoko ao ivelany ao? Tsy mahafantatra afa-tsy ity toerana izay iainako eto ity aho. Misintona ny heriko avy ato

anatiny ato aho. Ka ahoana no hivelomako ao ivelany ao? Izy ireo dia miteny amiko fa misy masoandro iray ao izay mamiratra. Izy ireo dia miteny amiko fa mitsangatsangana ny olona ao. Nefa tsy mahafantatra afa-tsy ity toerana eto ity fotsiny aho. Ity ihany no fantattro, eto mihitsy ato anatin'ny—ato anatin'ny kibon'ny reniko. Tato aho no nampidirina. Eto ihany no fantattro, dia ato anatin'ity kibo ity mihitsy. Nefa izy ireo dia miteny amiko fa misy efitra sy efitra any!” Eny, hatahotra mafy io zaza kely io, ny hateraka. Marina ve izany? Hatahotra mafy izy, satria ho tonga ao amin’ny toerana iray izay tsy misy na inona na inona fantany mikasika an’izany, izay faratampony, faratampony antapitrисаны, amin’изай ефа ниянаны. Tsy ho fantany hoe inona daholo ny mikasika an’izany. Hilaza izy hoe, “Ahoana, inona no hataoko?” Hatahotra mafy izy, ny hateraka.

⁷⁴ Fa, isika izay miaina eto ivelany eto, eny, isika izay efa tao indray mandeha, dia tsy te-hiverina ao intsony mihitsy isika. Tsy te-hiverina ao amin’ilay kibon’ny reny indray isika. Hitanareo? Tsia. Tsy te-hanao an’izany isika.

⁷⁵ Ary tahaka an’izany ilay izy rehefa eo am-pahafatesana isika, ry sakaiza. O Andriamanitra! Hitanareo? Nateraka tao amin’ny Toerana iray ianareo. Tsy mbola Tany mihitsy ianareo. Tsy afaka hahazo an’Izany ianareo, hoe lehibe toy ny ahoana Izany. “Ahoana-hanao ahoana ny Any? Izaho...” Ary ny zavatra tokana izay manao ahy hahafantatra, na manao anareo hahafantatra, dia io fikasihan’Aina kely io, tahaka ny fanahy izay miditra ao amin’ilay zazakely ao anatin’ny kibon’ny reniny. Hitanareo? Izany ihany no fomba tokana ahafahantsika mahazo hoe inona io Tany malaza any io, izay tsy misy aretina intsony, tsy misy alahelo, tsy misy fahafatesana, tsy misy fahanterana, tsy misy na inona na inona. Oh, oadray! Nahoana, vao tonga Any indray mandeha ianareo, dia tsy te-hiverina intsony eo amin’ny toerana iray tahaka an’ity, tahaka ny tsy itiavan’ny zazakely iray hiverina ao amin’ny kibon’ny reniny intsony. Hitanareo? Tena lehibe loatra ilay Ilany hafa, hitanareo, Any. Tsy afaka mahazo an’Izany isika, tsia tokoa. Tsy afaka isika. Nahoana, ahoana fa io zazakely io dia any ankoatry ny fieritreretana, dia toy izany koa isika any ankoatry ny fahazoana hoe ho inona ny Any, hitanareo, satria ao anatin’ny kibon’ny tany isika, vonona ny hateraka indray andro any, ao amin’ny Fanjakana vaovao iray, ao amin’ny Tontolo vaovao iray.

⁷⁶ Ary tahaka an’izany no tsapako mikasika an’ireo fahitana sy ny sisa tahaka an’izany ireo, na izay rehetra nitranga tamiko tamin’io andro io rehefa niampita tany aho, tany amin’ilay ivelany fotsiny, ka nahita hoe inona Izany, ary avy eo dia niverina teto indray.

⁷⁷ Azonareo eritreretina ve hoe efa zazakely iray nef—aefa efa nanana ny—ny fahalalana hoe inona, be voninahitra toy ny ahoana ny mitsangatsangana, mahita an’ireo hazo mamony,

ireo vorona mihira, ny masoandro mamiratra, ary fiainana iray tahaka an'ity, nefy avy eo dia tsy maintsy ho voatana ao anatin'ny kibo iray? Nahoana, ianareo dia tsy te-hiverina, mihitsy.

⁷⁸ Eny, noho izany, isika, ny—ho ngoly ny fisainantsika, hivadika, na raha miezaka mieritreritra hoe inona no misy Any. Fa, hoy ny Soratra hoe, “Tsy mbola hitan’ny maso, tsy mbola ren’ny sofina, na niditra tao am-pon’ny olona mihitsy izay ataon’Andriamanitra ho an’ireo, ao amin’ny fitehirizana, izay tia Azy.” Hitanareo? Noho izany dia fantatsika fa be voninahitra ny any amin’ilay Ilany hafa. Indray andro any, dia ny fahafatesana, izay antsointsika hoe fahafatesana, no hanome antsika an’ilay Fahaterahana vaovao, ka hiditra ao amin’ilay Tontolo hafa isika, ao amin’ilay Ilany hafa.

⁷⁹ Rahalahy George, tsy ho antitra ianao, handringaringa, Any. Ary Rahalahy sy Ranabavy Spencer, sy ny sasany tahaka ny sasany amintsika izay antitra indrindra, sy ny sisa, dia ho tanora isika, Any, mandrakizay. Ity tranainity . . .

Halatsako ity akanjon’ny nofo tranainity ity, ary
hitsangana
Ka handray an’ilay loka mandrakizay;
Ary hikiakiaka, raha mitety ny habakabaka hoe,
Veloma, veloma, oram-bavaka mamy.

⁸⁰ Tapitra tanteraka, amin’izay fotoana izay. Tsy hisy alimbavaka lava intsony, tsy hisy intsony. Miditra fotsiny ao amin’io taona tanora, feno fifaliana io mba ho Any, tsy mandritry ny taona iray fotsiny, na dimampolo taona, na iray tapitrisa taona, fa rehefa nahavita zato lavitrisa taona isika Any, dia tsy mbola nanomboka akory aza isika. Izay ilay izy. Noho izany nahoana isika no tsy tokony ho sambatra izao maraina izao? Nahoana isika no tsy tokony hifaly? Nahoana isika no tsy tokony haka tombontsoa amin’ny zavatra lehibe rehetra izay nomen’Andriamanitra antsika?

⁸¹ Indro ny fanasitranana avy amin’Andriamanitra. Nahoana Jesosy no nokapohina; mba handrovitra an’ilay sary ve, hanao hoe, “Tsy misy zavatra tahaka an’izany amin’io”? Nokapohiny ny Vatany tany, nivoaka ireo taolan-tehezana, mba, “Tamin’ireo Dian-kapony no nanasitranana antsika.” Ndaو isika tsy handrovitra an’ilay sary, izao maraina izao. Ndaو isika hanoroka an’Izany, hanaiky an’Izany.

⁸² Ankehitriny, ry rahalahy, ary ny tsirairay avy aminareo izay hivavahana ankehitriny, raha hitsangana fotsiny manodidina ny alitara ianareo. Raha mbola nivoaka ny hafatra, fotoana vitsy lasa izay, tamin’ny alalan’ny fandikana sy ireo fiteny tsy fantatra, mba hametrahanay tana eo amin’ny marary sy hahita an’ireo asan’Andriamanitra mahery.

⁸³ Ankehitriny, ny rahalahintsika, tsy voatery hitsangana ianao, rahalahy, mandry eo amin'ny fandria-marary iray eo. Hanatona anao izahay.

⁸⁴ Fa raha misy hafa eto mba hivavahana, te-hitsangana manodidina ny alitara, raha mivavaka aho sy ny rahalahy ary hametra-tànanana eo amin'ny marary, manatòna avy hatrany ianareo ankehitriny. Ary tsarovy, orohy ilay sary hoe, “Tamin’ny Dian-kapony no nanasitranana antsika.”

⁸⁵ “Tsy azoko izany, Tompo.” Azo antoka, tsy azonareo. Mbola ao anatin’ny kibon’ny tany foana ianareo.

⁸⁶ Fa Izy no nanao an’ireo fanomanana ireo. Ary Izy tsy handray... Nahoana Izy no nokapohina? Mba handrovitra an’ilay sary fotosiny ve, sa handrovitra an’ilay hira, hanipy azy? Tsia, tompoke. Nokapohina Izy, voalefona, ary nandeha rà, mba hahatonga antsika ho sitrana. Ary amin’ny alàlan’izany, isika, “Ireo Dian-kapony, dia sitrana isika,” ny tsirairay avy amintsika. Ankehitriny, raha manatona ianareo, miangona manodidina ny alitara ho an’ny vavaka.

⁸⁷ Ankehitriny, maro amin’ity fitoriana filazantsara Amerikana mpamitaka indrindra ity, no miresaka mikasika ny hoe, “Tsy maintsy manao an’ity ianao, manao an’itsy.”

⁸⁸ Misy zavatra iray itiavako hahitsy fo aminareo mikasika an’izany, ry sakaizako. Ilay zavatra, ny fomba anasitranan’Andriamanitra, dia eo amin’ny fototry ny asa ho Azy. Hitanareo? Izany dia eo amin’ny fototry ny asa ho Azy. Tsy maintsy manaiky ny fahasitranantsika isika eo amin’ny fototra, hoe, hanompo Azy isika rehefa avy sitrana. Ankehitriny, hoy ny Baiboly hoe, “Miaike ny fahadisoanareo, ny iray amin’ny iray hafa. Mifampivavaha, mba hahatonga anareo ho sitrana.” Hitanareo? Eo amin’ny fototra hoe, hanompo an’Andriamanitra ianareo. Maro aminareo eto, angamba, no ao amin’ny toeran’ny fahafatesana, ary ianareo—tsy maintsy ho faty ianareo raha tsy misy zavatra miseho. Noho izany dia tiako ianareo, ao amponareo...

⁸⁹ Ankehitriny, mety hanosotra diloilo anareo izahay, mety hivavaka eo aminareo izahay, izaho sy ny pasitera, hivavaka ny vavaky ny finoana iray, hanao ny zavatra rehetra izay vitanay, saingy tsy hahavita soa izany raha tsy mampiditra ny tenanareo ao amin’ny fiombonana amin’i Kristy ianareo. Hitanareo? Tsy maintsy manatona eo amin’io fiombonana io ianareo, hoe, “Izaho, Tompo...”

⁹⁰ Mahita ny—ny—ny ramatoa tanora iray aho manatona izao ankehitriny izao mihitsy. Tonga teto izy, vao tsy ela akory izay tany an-trano, niaraka tamin’ny zavatra tahaka ny fivontosana iray, na aretin’ny Hodgkin. Ary Metodista iray izy, amin’ny finoana. Mino aho fa marina izany, sa tsy izany, ranabavy? Ary

nanana mivonto goavana iray izy teo amin'ny lanivoho. Ary ankehitriny dia mitsangana izy, sitrana.

⁹¹ Mahita an-dRanabavy Weaver aho mitsangana eto, iray amin'ireo fisehon'ny homamiadana ratsy izay hany hitako, teo amin'ny fiainako rehetra. Ny zavatra voalohany nanontaniako azy, dia raha hanaiky izy ny "hatao batisa amin'ny Anaran'i Jesosy Kristy," ka hiaiky ny fahotany. Rehefa nitondra azy tao anatin'io rano eto io aho, dia tsy maintsy nihazona azy; tena nahia izy, ireo sandrinry, zavatra bitika kely fotsiny. Dia vita batisa tamin'ny Anaran'i Jesosy Kristy izy. Ary efa folo taona lasa izany fara-fahakeliny, sa tsy izany, ranabavy? [Hoy Ranabavy Weaver hoe, "Tsia. Enina ambin'ny folo taona lasa izany."—Mpand.] Enina ambin'ny folo taona lasa. Fiainana voatahiry enina ambin'ny folo taona, satria nanaiky ny hiditra ao amin'ny fankatoavana izy. Rehefa ny tena tsara indrindra amin'ireo dokotera manodidina eto mihitsy . . .

⁹² Nahoana, ny dokoterany manokana no niteny tamiko. Fa, niteny taminy aho—niteny taminy, nanao hoe, "Sitrana izy."

⁹³ Hoy izy, "Oh, oh! Ho fatin'ny homamiadana izy, ao anatin'ny herinandro vitsy. Aza manahy ny amin'izany. Ho lasa izy. Herinandro vitsy hafa, dia ho lasa izy." Ary efa niomana hanome azy eo amin'ny andro iray hahavelomana mihitsy izy. Nefa indro eto izy, androany, taorian'ny enina ambin'ny folo taona, mitsangana eo amin'ny alitara. Inona koa no azoko lazaina, hatrany sy hatrany, ary hatrany sy hatrany!

⁹⁴ Ankehitriny, Andriamanitra dia tsy manao an'izany fotsiny ho an'ny anankiray amin'ireo Zanany, ka tsy manao an'izany ho an'ireo zanaka hafa. Ataony ho an'ny Zanany rehetra izany. "Na iza na iza maniry aoka ho avy." Izany dia . . . Asaina hanatona Azy ianareo. Ankehitriny, "Ny vavaky ny finoana no hamonjy an'ilay marary." Ny Baiboly no nilaza an'izany.

⁹⁵ Ankehitriny—ankehitriny, raha . . . ny tiako hataonareo, dia ny miaiky ny fahadisoanareo amin'Andriamanitra, ka manao hoe, "Tompo, sitrano aho." Raha tsy mbola niova fo mihitsy ianareo, dia omeo an'i Kristy ny fonareo. Ary raha tsy mbola natao batisa mihitsy ianareo, tao amin'ny rano, tamin'ny Anaran'i Jesosy Kristy, dia misy dobo iray vonona eo. Hitanareo?

⁹⁶ Ary io ramatoa kely eo am-pitan'ny lâlambe eto io; rehefa niova fo tamin'ny alâlany ilay tsi-mahatoky. Rehefa nandry izy . . . Nalefan'izy ireo nody izy avy tany Silvercrest, niaraka tamin'ny TB, teo am-pahafatesana. Fa rehefa nandeha tany aho, dia nanome fahitana iray ny Tompo, nanao hoe, "Ho sitrana izy."

⁹⁷ Ary nihaona tamiko izy tany, ny ampitso maraina, Atoa Andrews, ary nivazavaza ahy fotsiny. Hoy izy, "Ny fanantenana sandoka iray tahaka an'izany, eo amin'io vehivavy io!"

⁹⁸ Hoy aho hoe, "Atoa Andrews, tsy fanantenana sandoka izany. Kristiana iray ilay vehivavy. Ary rehefa afaka izy, dia ho tonga mba hatao batisa."

⁹⁹ Dia hoy izy hoe, "Eo am-pahafatesana izy." Hoy izy, "Izaho... Ahoana no nahafahany nalefa nody avy tany Silvercrest?"

¹⁰⁰ Hoy aho hoe, "Tompoko, ianao dia mijery, ianao dia... Izay jerena, ianao dia mijery an'izay lazain'ny dokotera. Izaho mijery an'izay nolazain'Andriamanitra." Hitanareo?

¹⁰¹ Ankehitriny, izay fotsiny ilay fahasamihafana, izay jerena. Hitanareo? Raha mijery an'izay lazain'ny dokotera ianareo, dia azo antoka fa ho faty ianareo. Fa tsy maintsy mijery an'izay nolazain'Andriamanitra ianareo. Tenin'iza no ho raisinareo?

¹⁰² Ahoana moa raha nandray ny hevity ny dokotera i Abrahama mikasika azy efa zato taona, nefo hahazo zazakely iray avy amin'ny vadiny, sivifolo taona? Inona no ho nataony tamin'izany fotoana izany? Hitanareo? Nahoana, hilaza ilay dokotera hoe, "Adala ilay lehilahy." Fa Andriamanitra nanisa azy ho fahamarinana, satria nino an'Andriamanitra izy. Hitanareo? Ankehitriny, ianareo...

¹⁰³ Ary velona ilay vehivavy. Nataony tsirambina ny fanaovana batisa, ny Anaran'i Jesosy Kristy, satria neveriko fa karazana Metodista iray izy na Presbyterana. Nanomboka niha-narary sy niha-narary izy. Ary tonga izy ka naka an'i Grace Weber, izay nipetraka mihitsy... na mbola mipetraka any, mipetraka any ny zananivavy. Niakanjo, ary tonga teto, ka natao batisa tamin'ny Anaran'i Jesosy Kristy, niaraka tamin'ny tazo iray, niaraka tamin'ny aretina mivonto nivoaka nanerana ny sorony rehetra sy ny sisa, niaraka tamin'ny tazo iray, zato sy efatra. Ary natao batisa teto mihitsy, tamin'ny Anaran'i Jesosy Kristy. Ary mipetraka eo am-pitan'ny lâlambe avy eto mihitsy izy. Angamba mipetraka eto ankehitriny. Nijery manodidina aho mba hahita raha afaka hahita azy, minitra vitsy lasa izay. Hitanareo? Fankatoavana, hitanareo.

¹⁰⁴ Ilay izy tsy hoe mandeha eo fotsiny... Tsy mifanaraka amin'ny sasany amin'ireo rahalahintsika aho, hoe mametra-tânana fotsiny eo amin'ity, itsy, ary ny *hafa*, tahaka an'izany, ary milaza fa karazana finoana mpamitaka indrindra iray no hanao an'izany. Tsy izany ilay izy. Tsy maintsy manana finoana tena izy, mafy, ara-Baiboly, an'ny Fanahy Masina ianareo. Hitanareo? Izany dia tsy, tsy haharitra izany. Tsy maharitra izany.

¹⁰⁵ Izany no antony ahafahako misaotra ny Tompo fa Izy no nanampy ahy hatreto. Ireo—ireo—ireo fanasitranana izay niseho dia efa tena izy, satria izy ireo dia miorina marina tokoa eo amin'ny HOY NY TOMPO HOE. Hitanareo? Noho izany dia haharitra izy ireo.

¹⁰⁶ Ankehitriny—ankehitriny, satria ny sekoly Alahady kely... Niandry iray minitra fotsiny aho, niresaka taminareo, mandrapahazoan'izy ireo ny toerany, ara-toerana, mba ahafahantsika milamina ankehitriny. Manana minitra vitsy fotsiny isika ankehitriny, hivavaka isika, hanomboka hivavaka.

¹⁰⁷ Ankehitriny, tiako ny tsirairay avy aminareo hiaiky ny fahadisoanareo amin'Andriamanitra, ka hampanantena an'Andriamanitra fa hanompo Azy ianareo ary hanao ny zavatra rehetra izay vitanareo. Ary izaho sy ny pasitera dia hivavaka, ary ho tonga hametra-tànana aminareo, dia hahazo antoka ianareo fa ho sitrana raha mino an'izany.

¹⁰⁸ Ahoana no nahafahan'ireo olona nitondra tehina, sy marenina, sy moana, ary jamba, tamin'ny Alahady tolakandro lasa, nanatona fotsiny teto amin'ny lampihazo, nanipy an'ireo tehiny; nanatona ny lampihazo, lasa nahiratra ireo maso, fantatrareo, tahaka an'izany? An-jatony sy an-jatony tamin'izy ireny! Hany ka, tena nalemy aho, saiky haka ahy hiala tamin'ilay toerana izy ireo, nitsangana fotsiny, dia izy ireo no nandalo. Hitanareo? Laharana iray izay nahatratra avy eto hatrany amin'ny Jeffersonville High School, saiky, nilahatra, tonga nandalo teo amin'ilay laharana. Ary tsy fantattro raha misy iray amin'izy ireo, izay nandalo, ka tsy sitrana. Hitanareo? Satria izy ireo dia tonga teo ambanin'ny fototry ny tena finoana, Kristiana tena izy ary nino. Izy ireo... Tsy maintsyo nitranga izany.

Ankehitriny aondreho ny lohanareo, ny tsirairay, ampio aho hivavaka ho azy ireo.

¹⁰⁹ Tompo Jesosy, mitondra eo Aminao izahay, izao maraina izao, an'ity mpanatrika mitsangana eto ity, miandry, an'ireo zanaka marary, ory, mijaly. Any ankoatry ny fanantenana izy ireo, maro amin'izy ireo, Tompo, avy amin'ireo fitsabooan'ny dokotera, indrindra ity lehilahy mandry eo amin'ity fandriamarary ity. Na ny Fahasoavanao ilay izy na hiala eto amin'izao tontolo izao izy afaka andro vitsy. Ary tsy isalasalana, fa mety misy maro no mitsangana eo amin'ny alitara eto, miaraka amin'ny aretim-po miandry azy ireo, sy ireo aretina, ary ireo fahoriania izay handrovitra azy ireo ho potika.

¹¹⁰ Zavatra tokana ihany no misy, Ray, izay afaka hamonjy azy ireo, izany dia, ny mandeha any ankoatr'ireo fanamboloana dimy eto amin'ity vatana ity, nefo ireo dokotera dia efa niezaka am-pahatokiana, tsy isalasalana, mba hamonjy ny ain'izy ireo; aretina, homamiadana, TB, aretim-po. Ary miaraka amin'ny fanampenana rehetra, sy ireo fantsona, sy ireo fitaovana, ary—ary—ary fanafody miady amin'ny tsimoka, dia manohy misisika mihitsy ilay fahavalano, haka ny ain'izy ireo.

¹¹¹ Ary efa nasehoko, Tompo, mino aho, ny Hevitrao, tamin'izy ireo. Ary efa nandre an'ilay lehilahy niteny tamin'ny fiteny tsy fantatra aho izao maraina izao, ary nanome an'ilay fandikana,

ny amin'izay hitranga androany. Ny sasany amin'izy ireo dia handray an'izany, Tompo, azo antoka. Marina izany. Mino an'izany aho.

¹¹² Ary ankehitriny, araka ny voasoratra ao amin'ny Baiboly, hoe Davida, ilay zazalahy kely mpiandry ondry, dia niandry ny ondrin'ny rainy, tany ambadiky ny tany efitra. Ary indray andro dia tonga ny liona iray ka naka ny iray tamin'ireo zanak'ondrin'ny rainy, ary nandositra niaraka tamin'izany. Fa io zazalahy kely mpiandry ondry io, niaraka tamin'ny finoana, inona no nananany hanoherana an'io liona io? Tsy basy lava na basy moderina iray. Fa nanana antsamotady kely iray izy, ka nenjehiny io liona io. Novonoiny io liona io, ary nentiny niverina ilay ondry. Tonga ny bera ka naka anankiray; nenjehiny io bera io izay afaka nanorotoro azy tamin'ny tany. Saingy tsy nihevitra ny amin'ny haben'ilay bera izy, na ny herin'ilay liona, na ny hafainganam-pandehany, na ny tsi-fahaizany miaraka amin'ilay antsamotady.

¹¹³ Fa rehefa nitsangana teo anatrehan'i Saoly mpanjaka izy, dia hoy izy hoe, "Ny mpanomponao dia niandry ny ondrin'ny rainy, ary tonga ny liona iray ka naka ny anankiray, dia nandositra. Ary nenjehiko izy ka nentiko niverina ilay ondry." Hoy izy hoe, "Ilay Andriamanitra iray ihany izay nanafaka ahy tamin'ny tānana, na ny tongotr'io bera io, na ny valanoranon'io liona io, dia afaka ihany koa haka an'io Filistina tsy mifora io ary hanolotra azy eto an-tānako."

¹¹⁴ Toy ny ahoana no ahafantaranay ny tohin'ilay tantara, fa novonoiny; namono lehilahy iray izay tena, tena goavana tokoa noho izy, ary mpiady iray. Toy ny ahoana no nampitalanjonan'izany an'i Saoly, ilay mpanjaka malaza, lehibe, lehilahy mahery, ahoana no nahafahan'io zazalahy kely io nanana an'izany finoana izany tao amin'ny antsamotady iray. Tsy, tsy tao amin'ny antsamotady iray, fa tao amin'Andriamanitra.

¹¹⁵ Ankehitriny, Tompo, mitsangana manodidina ny alitara, mandry eto amin'io fandria-marary io, dia misy ondrin'Andriamanitra, zanak'ondry kely, araka ny maha-izy azy, Aminy. Efa tratry ny liona iray antsoina hoe homamiadana izy ireo, bera iray antsoina hoe TB, ireo aretina hafa izay nahatratra azy ireo, sy nanohina azy ireo, ary nandrovitra azy ireo ho potipotika. Tompo, izaho—manenjika azy ireo aho, miaraka amin'ny antsamotady kely iray antsoina hoe vavaky ny finoana. Tsy tena lehibe ilay izy, saingy fantatro izay efa nataony. Ary fantattro fa izany dia mbola ilay Andriamanitra iray ihany. Manenjika azy ireo aho, izao maraina izao, mba hamerina azy ireo, Tompo, ao amin'ireo ahi-maitso malomaloky ny fahassalamana tsara, eo akaikin'ny rano tony an'ny fiadanana, ary lavity ny fahakiviany, mba hino Anao.

¹¹⁶ Ary manenjika azy ireo aho, miaraka amin'ny fitaovam-piadiana izay Nomenao handehanana. “Ny vavaky ny finoana no hamonjy an'ilay marary, ary Andriamanitra hanangana azy ireo. Raha nanota izy ireo, dia ho avela amin'izy ireo izany.”

¹¹⁷ Ary, Ray, handeha hihona amin'ilay fahavalox izahay ankehitriny, hihona amin'ilay liona, hihona amin'ilay-ilay devoly amin'ny endrika rehetra izay misy azy, antsoina hoe homamiadana, TB, aretin'ny Hodgkin, aretim-po, ny aretina hafa rehetra. Tonga izahay hahita azy, ary hamerina an'ilay zanak'ondry ao an-Tranon'Andriamanitra indray. Amin'ny Anaran'i Jesosy Kristy no andehananay, hampiasa an'ity antsamotady izay Nomenao anay ity. Mombà anay, Ray, raha manatona Anao am-panajana izahay ankehitriny, amin'ny Anaran'i Jesosy.

¹¹⁸ Tiako ianareo hihazona ny lohanareo miondrika. Ary ho avy izahay hanosotra diloilo, sy hametra-tànana amin'ny marary, ary ny vavaky ny finoana no hamonjy an'ilay marary. Ny Kristiana rehetra ato, apetraho eo amin'ity laharam-bavaka ity ny finoanareo.

¹¹⁹ [Miala amin'ny fanamafisam-peon'ny polipitra Rahalahy Branham mandritry ny telo minitra sy sasany, raha mivavaka ho an'ny marary izy sy Rahalahy Neville, saingy ny teny sasany an'ireo vavak'i Rahalahy Branham dia tsy afaka nohenoina, laharana 119-122. Manohy mitendry ny *Minoa Fotsiny* ny mpitendry piano mandra-pahatapitry ny vavaka—Mpand.]

Amin'ny Anaran'i Jesosy Kristy!

Amin'ny Anaran'i Jesosy Kristy!

Ny Anaran'i Jesosy!

Ny Anaran'i Jesosy Kristy!

Ny Anaran'i Jesosy!

Ray, miteny mafy an'ilay devoly aho! . . . ? . . .

Amin'ny Anaran'i Jesosy Kristy!

Amin'ny Anaran'i Jesosy Kristy! . . . ? . . .

Amin'ny Anaran'i Jesosy Kristy!

Avia ka minoa an'izany . . . ? . . . dia ho vita izany! . . . ? . . .

Tompo, Ianao . . . ? . . .

Andriamanitra . . . ? . . .

¹²⁰ Tompo, Ianao dia . . . Ianao no nanoratra an'ilay fanararaotra. Ianao no ilay Havana, Kristy! . . . ? . . . Amin'ny Anaran'i Jesosy Kristy!

¹²¹ “Ny vavaky ny finoana no hamonjy an'ilay marary.” Tiako Ianao hanao an'izany ho azy. Avereno ho vehivavy iray tena salama izy! . . . ? . . .

Ny Anaran'i Jesosy Kristy, avereno izy!

Amin'ny Anaran'i Jesosy Kristy, avereno izy! . . . ? . . .

Amin'ny Anaran'i Jesosy Kristy, avereno ny anabaviko.

Amin'ny Anaran'i Jesosy Kristy, avereno ny rahalahiko! . . . ? . . .

Amin'ny Anaran'i Jesosy Kristy! . . . ? . . .

Amin'ny Anaran'i Jesosy Kristy! . . . ? . . .

Amin'ny Anaran'i Jesosy Kristy! . . . ? . . .

Tsy nanao mihitsy ianao. Ny Tompo hitahy anao!

Manenjika an'izany aho, izao maraina izao! . . . ? . . .

¹²² Amin'ny Anaran'i Jesosy Kristy, mamerina anao aho, amin'ny alalan'ny vavaky ny finoana, hivoaka amin'ny fanandevalozana! . . . ? . . . Manampy ny finoanay amin'ireo izahay! . . . ? . . .

[Miverina eo amin'ny fanamafisam-peon'ny polipitra Rahalahy Branham—Mpand.]

Minoa fotsiny;

Miaraka amin'ny lohantsika miondrika ankehitriny, ankehitriny.

Minoa fotsiny, minoa fotsiny,

Ireo zavatra dia azo atao, minoa fotsiny.

O Tompo, mino aho; O Tompo, mino aho;

Ny zava-drehetra dia azo atao . . .

Ndao isika hanangana ny tânantsika ankehitriny.

. . . Tompo, mino aho;

O Tompo, mino aho; Tompo, mino aho;

Ny zava-drehetra dia azo atao, Tompo, mino aho.

¹²³ Rainay any An-danitra, ireo izay afaka nitsangana, dia nanangana ny tânany, fa efa nanaiky an'izany izy ireo. Ity rahalahy izay nandry teo amin'ny fandria-marary ity, dia nitsangana, mba haneho fa efa nanaiky ny fanasitranany izy. Mino izahay, Tompo, fa handeha hiverina am-piadanana izy ireo ankehitriny ho eo amin'ireo ahi-maitso malomaloka, eo amin'ireo rano tony, mba ho salama indray, amin'ny alâlan'ny Anaran'i Jesosy. Atolotray Anao ny saotra ny amin'izany. Amena.

¹²⁴ Eny àry, Rahalahy Neville, hipetraka eto aho ary hihaino anao hitory teny ankehitriny.



ANY ANKOATRY NY LAMBAN'EFITRY NY FOTOANA MAG61-0305
(Beyond The Curtain Of Time)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alahady maraina, 5 Marsa 1961, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2018 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org